



Ֆինանսավորվում է  
Եվրոպական միության կողմից



# Աջակցություն որակի ենթակառուցվածքին Հայաստանում

ԵՄ ֆինանսավորմամբ եւ ՄԱԱԶԿ-ի  
աջակցությամբ իրականացվող  
ծրագիր




ՏԵՂԵԿԱԳԻՐ

Թիվ 14  
2025թ. հունիս

# ՄԱԱԶԿ-ն զարգացնում է ԱՐՄՍՏԱՆԴԱՐՏ -ի կարողությունները

2025 թ. հունիս ամսվա ընթացքում ՄԱԿ-ի արդյունաբերական զարգացման կազմակերպությունը (ՄԱԱԶԿ), Եվրոպական միության ֆինանսավորմամբ իրականացվող «Աջակցություն որակի ենթակառուցվածքին Հայաստանում» ծրագրի շրջանակում, կազմակերպեց վերապատրաստման դասընթացներ Ստանդարտների և չափագիտության ազգային մարմնի (ԱՐՄՍՏԱՆԴԱՐՏ) աշխատակիցների կարողությունները զարգացման համար:

**Նպատակ.** համապատասխանեցնել Հայաստանի որակի ենթակառուցվածքը ԵՄ չափանիշներին և աջակցել միջազգային հավատարմագրման գործընթացին:



ԱՐՄՍՏԱՆԴԱՐՏ-ի վեց աշխատակից մասնակցեց ճնշման տրամաչափիչների և օդային ճնշման հավասարակշռիչների կիրառման վերապատրաստման դասընթացի: Այն ուղղված էր բարձր ճնշման սարքավորումների անվտանգ օգտագործման, տրամաչափման ընթացակարգերի, միջլաբորատոր համեմատությունների և չափումների անորոշությունը նվազագույնի հասցնելու կարողությունների զարգացմանը:



## «Էլեկտրական տրամաչափարկման լաբորատորիայի աուդիտ» դասընթաց (հունիսի 16–20)

ԱՐՄՍՏԱՆԴԱՐՏ-ի տասնմեկ աշխատակից մասնակցեց ներքին աուդիտի վերապատրաստման դասընթացի՝ ISO/IEC17025 պահանջներին համապատասխան: Միջազգային փորձագետի աջակցությամբ իրականացված մոդելային աուդիտի արդյունքում մասնակիցները հնարավորություն ունեցան գնահատել ընթացիկ լաբորատոր գործընթացները, վեր հանել բացթողումները և ուղղագծել բարելավմանն ուղղված քայլերը:



## «Որակի կառավարում և ներքին աուդիտ» վերապատրաստման դասընթաց (հունիսի 23–27)

ԱՐՄՍՏԱՆԴԱՐՏ-ի տասն աշխատակից մասնակցեց լաբորատոր որակի կառավարման համակարգերի գնահատման դասընթացի՝ հիմնված ԵՈԿ անդամ հանդիսացող և միջազգային ճանաչում ունեցող Quality Austria հավաստագրման սխեմայի վրա: Մասնակիցները խորացրեցին գիտելիքներն աուդիտի մեթոդների կիրառման, ստանդարտների պահանջների մեկնաբանման, լաբորատորիայի ընդհանուր աշխատանքի ու դրա համապատասխանության գնահատման ուղղությամբ:



**ԱՐՄՍՏԱՆԴԱՐՏ-ի տասն**

**աշխատակից հաջողությամբ**

**հանձնել է լաբորատոր աուդիտորի**

**հավաստագրման քննությունը**

Հունիսի 23-27-ն անցկացված «Որակի կառավարում և ներքին աուդիտ» վերապատրաստման դասընթացի ավարտին Ստանդարտացման և չափագիտության ազգային մարմին-ի (ԱՐՄՍՏԱՆԴԱՐՏ) 10 աշխատակից հաջողությամբ հանձնել է լաբորատոր աուդիտորի հավաստագրման քննությունը՝ ստանալով Եվրոպական Որակի Կազմակերպության (EOQ) լաբորատոր աուդիտորի վկայական:

## ՀՀ ներկայացուցիչը Վիեննայում մասնակցել է ՄԱԱԶԿ-ISO աշխատաժողովին

2025թ. հունիսի 11-13-ը Ստանդարտների և չափագիտության ազգային մարմնի (ԱՐՄՍՏԱՆԴԱՐՏ) որակի կառավարիչը ներկայացրեց Հայաստանը Վիեննայում անցկացված ՄԱԱԶԿ-ի և ISO-ի՝ «Աջակցություն զարգացող երկրներին կայուն լաբորատոր ենթակառուցվածքի ստեղծման գործում» թեմայով համատեղ աշխատաժողովի: Սեմինարը կայացավ ISO/TC 336 տեխնիկական կոմիտեի լիազուգար նիստի շրջանակում և համախմբեց ավելի քան 120 մասնակից 30 երկրներից:

ԱՐՄՍՏԱՆԴԱՐՏ-ի ներկայացուցիչը ներկայացրեց Հայաստանի փորձն ու ռազմավարական մոտեցումը կայուն, խելացի և թվանշային տրամաչափման լաբորատորիաների ստեղծման ուղղությամբ:



## Ծրագրի մասին

«Աջակցություն որակի ենթակառուցվածքին Հայաստանում» ծրագիրն իրականացնում է ՄԱԱԶԿ-ը՝ Եվրոպական միության ֆինանսավորմամբ: Ծրագրի հիմնական նպատակն է զարգացնել ԱՐՄՍՏԱՆԴԱՐՏ-ի կարողությունները՝ շահառուներին միջազգայնորեն ընդունելի չափագիտական ծառայություններ մատուցելու համար: Հայաստանի չափագիտության համակարգի իրավական, կառուցվածքային եւ տեխնիկական կարգավորումների բարելավման միջոցով ծրագիրը նպաստում է համակարգի արդիականացմանը՝ խթանելով տնտեսության դիվերսիֆիկացիան եւ առևտրի մրցունակության բարձրացումը, ինչը համահունչ է ԵՄ-ի հետ ստորագրված «Համապարփակ եւ ընդլայնված գործընկերության համաձայնագրով» (CEPA) Հայաստանի ստանձնած հանձնառություններին:

## Ծանոթագրություն

Ֆինանսավորվում է ԵՄ-ի կողմից: Այս տեղեկագրի բովանդակության պատասխանատուն բացառապես հեղինակներն են եւ այն կարող է չարտահայտել Եվրոպական միության եւ ՄԱԱԶԿ-ի տեսակետները: Այս տեղեկագիրը հրապարակվել է «Աջակցություն որակի ենթակառուցվածքին Հայաստանում» ծրագրի շրջանակներում: Տեղեկագիրը պատրաստվել է առանց Միավորված ազգերի կազմակերպության պաշտոնական խմբագրման:


## Ծրագրի արդյունքները (2025թ. հունիս)



**ԱՐՄՍՏԱՆԴԱՐՏ-ի  
28 աշխատակցի  
վերապատրաստում  
կարողությունների  
զարգացման երեք  
դասընթացի  
արդյունքում**



**1673 դիտում  
սոցիալական  
մեդիայի  
հարթակներում  
հրապարակումներ  
ի արդյունքում**



**500 հետևորդ  
ծրագրի  
սոցիալական  
մեդիայի  
հարթակներում**

Լրացուցիչ տեղեկության համար դիմել՝  
Ծրագրի ղեկավար Ցոնգ Վուին, [C.WU@unido.org](mailto:C.WU@unido.org)

Նորությունների համար հետևեք մեզ՝



Ֆինանսավորվում է  
Եվրոպական միության կողմից

